

cher Wille vnd Meinung/ das sich niemands/ er sey  
wer er wolle/ die jüngst angeschlagne valuierte Mün-  
zen/ in unserer jungen Bettern Landen hinfüro vor  
wehrschaftt einzunehmen oder auszugeben vntersie-  
hen solle/ Hette aber einer oder mehr solche verbotene  
geringe/ oder auch frembde ausländische Münze/ so  
in der Reichs Ordnung nicht zugelassen/ der oder die-  
selbigen sollen die in obbenanter unserer wechffel Ste-  
te eine/ auff das Rathauß bringen/ deß Orts ihme  
dauor/ so hoch ein jeder Stück valuiert vnd gewirdi-  
get ist/ oder so es frembder Potentaten Münz were/  
die keine gewisse Tax hetten/ wie sie durch die geschwor-  
nen Waradin/ vnd die dazu verordente in gebüheli-  
cher Proba am Werck/ als Pagament/ besunden  
wird/ an guter Münz/ nach deß heiligen Reichs  
schrot vnd Korn/ sol gegeben werden.

Wir thun auch hiermit merniglich verwarnen/  
vnd ernstlich befehlen/ das sich niemand vntersan-  
gen sol/ der Probier vnd Windöfen zum grana-  
liren/ außwippen/ schmelzen/ vnd dergleichen Münz  
verfelschung zugebrauchen. Lassen es auch sonst  
des heimlichen verbotenen auffwechfels/ brechens/  
schmelzens/ granalierens/ ringerns/ abgiessens/  
feigerns/ beschneidens/ auswegens/ vnd anderer  
dergleichen/ Münz verfelschung halben/ bey höchst-  
gedach-